


[www.BibleForChildren.org](http://www.BibleForChildren.org)

# मत्ती 8




फिर दुई दिन बाद गलील के काना सहर में एक बिहा रहै; और ईसु  
कि अईय्या भी हुँआँ रहै।



जब बौ बिहा में दाखरस निपट गौ, तौ ईसु की अईय्या बासे कही,  
“उनके झोने दाखरस निपट गौ है।” ईसु की अईय्या सेवकन से कही,  
“जो कछु बौ तुमसे कहबै, बहे करियो।”




ईसु उनसे कही, “घल्ला मैं पानी भर देबौ,” तौ बे  
घल्लन कै डबाडब भर दई। ईसु उनसे कही, “अब  
निकारकै बिहा को पधान के झोने लै जाबौ”, और बे  
लैकै गै।



जब बिहा को बौ पानी पधान चखी जो दाखरस बन गौ रहै, और बाकै जहे मालुम नाय रहै कि जौ कहाँ से आई है (पर जो सेवक रहैं, उनके जौ मालुम रहै, कि जौ पानी है) तौ बिहा को पधान दुल्हा कै बुलाएकै कही, “हर आदमी पहले अच्छी दाखरस देखै, और जब लोग पीकै छक जाथैं, तौ थोड़ी मद्दी देखैं, पर तैं तौ अच्छी दाखरस अभैले धरे पड़े है।”





ईसु गलील देस के काना सहर में अपनो पहलो  
चिन्ह दिखाए कै अपनी महिमा दिखाई और  
बाके चेला बाके ऊपर बिस्वास करीं।




जब ईसु पतरस के घर पहुँचो, बौ पतरस की सास  
के बुखार से बिमार बिस्तर में पाई, . . .



... तभई ईसु बाकै अपने हात से छुइ और बुखार उतर गौ। फिर बौ उठी और ईसु की सेवा करन लगी।



संजा खिन जब दिन डूब गौ तौ लोग सब बिमारन कै और उनकै, जोके भीतर प्रेत आत्मा सटकी रहैं, ईसु के झोने लाई। और पूरो सहर बाके घर के दुआरे जुराएगौ।



और बौ निरेन कै जो अलग-अलग तरहन की बिमारिन से परेसान रहैं,  
उनकै अच्छो करी, और निरे तरहन के भूतन कै निकारी, और प्रेत  
आत्मा कै मसकन तक नाय दर्ई, काहैकि प्रेत आत्मा ईसु कै जानत रहैं।



सब जनी ईसु कै छूनो चाहत रहैं, काहैकि ईसु मैं से सामर्थ्य निकरकै  
सबकै अच्छो करत रहै।



और चार जनी एक फालिस मारे भै बिमार आदमी कै उठाएकै बाके  
झोने लै आई।



जब बे भीड़ की बजह से बाके झोने नाय पुग  
पाई, तौ बे बौ छत, जोके तरे ईसु रहै,  
उत्कार दई; और बाकी खटिया कै  
जोमैं फालिस को बिमार आदमी  
लेटो रहै, बाकै हुँए से  
तरे उतार दई।




ईसु उनको ऐसो बिस्वास देखकै बौ फालिस के बिमार आदमी से कही,  
“ओरे लौड़ा, तेरे पाप माफ हुईगै।”  
“में तोसे कहथौं, उठ, अपनी  
खटिया उठाएकै अपने  
घरै चले जा।”



तभी ईसु एक नईयाँ में चढ़गौ, और बाके चेला बाके संग गै। और झील  
में एक ऐसो तूफान उठो कि नईयाँ लहरन से  
ढकन लगी; लेकिन ईसु सोत रहै।



तभई ईसु उनसे कही, “अरे कम बिस्वास के आदमियौ! काहे डराथौ?”  
तौ बौ ठाड़कै तूफान और आँधी कै झुकाइ, और सब सांत हुई गई। और  
आदमी अचम्मो करके कहेन लगे, “जौ कैसो इंसान है? कि आँधी और  
लहरें जाकी आग्या मानथैं!”



काहैकि परमेस्वर जौ दुनिया से ऐसो प्यार करी  
कि बौ अपनो इकलौतो लौड़ा दै दर्ई, ताकी जो  
कोई बाके ऊपर बिस्वास करै, बौ नास ना  
होबै, बल्किन अनंत जिंदगी पाबै।



रोमियों 3:23

तभईये सबै पाप करीं हैं और परमेस्वर की महिमा से दूर हैं,

रोमियों 6:23

पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसु में अनंत जिंदगी है।

इब्रानियों 9:27

और जैसी इंसानन के ताहीं एक बार मरनो और बाके बाद न्याय को होनो ठहराओ गौ है।

इफिसियों 2:8,9

काहैकि बिस्वास के अनुग्रह सेई तुमरो उद्धार भौ है; और जौ तुमरे करमन से नाय है, बल्किन परमेस्वर को दान है, और ना करमन के बजह से, काहैकि ऐसो नाय होबै कि कोई गुमान करै।



रोमियों 10:9,10 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन में बिस्वास करकै कि परमेस्वर बाकै मरे भैन में से जिंदो करी है, तौ तू सच्ची में उद्धार पायगो। काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै।

यूहन्ना 3:16,17 “काहैकि परमेस्वर जौ दुनिया से ऐसो प्यार करी कि बौ अपनो इकलौतो लौड़ा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। परमेस्वर अपने लौड़ा कै जौ दुनिया में जाके ताहीं नाय पनारी, कि बौ दुनिया में न्याय करै, बल्किन जाके ताहीं पनारी कि जौ दुनिया में बाके जरिये उद्धार पामैं।

1 यूहन्ना 5:11-13 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। में जौ तुमकै तभईये लिखरौ हौं ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओं के ऊपर बिस्वास करथौ।



मत्ती 8-9; मरकुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Rana Tharu Bible (thr) ©The Word for the World  
International and Rana Tharu Translation Samithi, Khatima,  
UttraKhanda, India. 2025

<https://www.bible.com/bible/4065/MAT.1.RTU2025>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

